

Հավելված  
ՀՀ կառավարության 2010 թվականի  
հունիսի 29 -ի N 971 - Ն որոշման

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

**Ծ Ր Ա Գ Ի Ր**

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2010-2014  
ԹՎԱԿԱՆՆԵՐԻ ՑՈՐԵՆԻ ՍԵՐՄԱԲՈՒԾՈՒԹՅԱՆ ԵՎ  
ՍԵՐՄԱՐՏԱԴՐՈՒԹՅԱՆ ԶԱՐԳԱՑՄԱՆ**



## ԵՐԵՎԱՆ– 2010

### Բ Ո Վ Ա Ն Դ Ա Կ ՈՒ Թ Յ ՈՒ Ն

- I. Հացահատիկային մշակաբույսերի սերմնաբուծության և սերմնարտադրության բնագավառում ստեղծված իրավիճակը
- II. Ծրագրի նպատակը և խնդիրները
- III. Ծրագրի շրջանակներում իրականացվող միջոցառումները և պահանջվող ներդրումները:
- IV. Ծրագրի իրականացումից ակնկալվող արդյունքները
- V. Առաջարկություններ
- VI. Ծրագրի իրականացման ընթացքում արտերկրից և տեղական սերմնաբուծական տնտեսություններից ձեռք բերվող սերմացուների ծավալները, արժեքները, մաքսազերծման, մարզկենտրոններ տեղափոխման, «Մերմերի գործակալություն» և «Ագրոքիմիական ծառայություն» ՊՈԱԿ-ների կարողությունների հզորացման ծախսերը
- VII. Ցորենի սերմնաբուծության և սերմնարտադրության ծրագրի շրջանակներում հողատարածքների ընտրության չափորոշիչները և ներկայացվող պահանջները

**I. ՀԱՅԱՆԱՍՏԻԿԱՅԻՆ ՄՇԱԿԱԲՈՒՑՄԵՐԻ ՄԵՐՄՆԱԲՈՒԾՈՒԹՅԱՆ ԵՎ ՄԵՐՄԱՐՏԱԴՐՈՒԹՅԱՆ  
ԲՆԱԳԱՎԱՌՈՒՄ ՍՏԵՂԾՎԱԾ ԻՐԱՎԻՃԱԿԸ**

1. Համաշխարհային ֆինանսատնտեսական ճգնաժամի հետևանքներն իրենց ուղղակի ազդեցությունն են թողնում նաև Հայաստանի Հանրապետության տնտեսության վրա և դրանք, առաջին հերթին, ի հայտ են եկել ապրանքների և հումքի միջազգային գների, սակագների, վարկավորման պայմանների, պայմանագրային և վճարային հարաբերությունների ընդհանուր տիրույթում նկատվող անորոշության, անկայուն վիճակի և դրա արագ փոփոխության հետևանքով:

2. Գյուղատնտեսությունը, լինելով մեր երկրի տնտեսության կարևորագույն ճյուղերից մեկը, անմասն չի մնացել ճգնաժամի հետևանքներից: Տնտեսավարողների կողմից ձեռք բերվող ռեսուրսների գների և սպասարկման ծառայությունների սակագների բարձրացման և գյուղատնտեսական արտադրանքի նկատմամբ վճարունակ պահանջարկի անկման հետևանքով մեր երկրի ագրոպարենային համակարգում կարող են գրանցվել անցանկալի արդյունքներ: Ստեղծված իրավիճակում առավել սրվում է գյուղատնտեսությունում օգտագործվող հիմնական ռեսուրսների՝ հողի և աշխատուժի արդյունավետ օգտագործման հիմնախնդիրը:

3. Գյուղատնտեսությունում ճգնաժամի հետևանքների մեղմման համընդհանուր լուծումներ չկան, սակայն առաջնահերթ կարևոր ենթաճյուղերում նպատակային քաղաքականության կիրառման շնորհիվ և առկա ներուժի լիարժեք օգտագործման միջոցով կարելի է բարձրացնել մեր երկրի ագրոպարենային համակարգի կայունությունը:

4. Նշված քաղաքականությունը պետք է ուղղվի գյուղատնտեսական ծագման արտադրանքի ավելացմանը, դրանց ներմուծման փոխարինմանը և նոր տեխնոլոգիաների կիրառմանը: Անշուշտ, վերոհիշյալը պահանջում է պետական աջակցության միջոցառումների տարբեր մեխանիզմների կիրառում:

5. Հաշվի առնելով, որ գյուղատնտեսությունը հանդիսանում է երկրի պարենային ապահովության և անվտանգության ապահովման գլխավոր ոլորտը, ֆինանսատնտեսական ճգնաժամի հետևանքների դիմակայությանն ուղղված երկրի ընդհանուր ռազմավարությունում այն պետք է ունենա առանցքային դեր:

6. Ազգային պարենային հաշվեկշռի տվյալներով 2004-2008թթ. ցորենի ինքնաբավության մակարդակը տատանվում է 31.6-43.1՝ միջինը՝ 37%-ի սահմաններում: Յուրաքանչյուր տարի հանրապետությունում ընդամենը օգտագործվում է 650-720 հազ. տոննա ցորեն, իսկ տեղական արտադրության ծավալները 2007, 2008, և 2009 թթ. հանրապետությունում համապատասխանաբար կազմել են՝ 254,2, 225.7 և 198.1 հազ. տոննա: Մա բավականին ցածր ցուցանիշ է: Ընդունված միջազգային չափանիշներով երկրի պարենային անկախությունը համարվում է ապահովված, երբ առաջնահերթ անհրաժեշտ պարենամթերքի պահանջարկի 75%-ն ապահովվում է սեփական արտադրության հաշվին:

7. Հանրապետության պարենային հաշվեկշռի տվյալները վկայում են, որ մի շարք մշակաբույսեր ունեն գրեթե ինքնաբավության մակարդակ, դրանք են՝ կարտոֆիլը, բանջարեղենը, բոստանը, խաղողը և պտուղը (ներկրվում են հիմնականում մերձարևադարձային պտղատեսակները): Գյուղատնտեսական որոշ մշակաբույսերի տեղական արտադրության ծավալներն ապահովում են ինքնաբավության ցածր մակարդակ և առաջնահերթ խնդիր է, դրանց արտադրության ծավալների ավելացումն ու ինքնաբավության մակարդակի հետագա բարձրացումը, մասնավորապես, սա վերաբերում է պարենային ցորենին:

8. Հետևաբար հաշվի առնելով պարենային հաշվեկշռում ցորենի ունեցած մեծ տեսակարար կշիռը (սպառված էներգետիկ արժեքի ավելի քան 40%), տվյալ պարենամթերքի ստրատեգիական նշանակությունը և ապահովվածության դեռևս ցածր մակարդակը, առաջնահերթ խնդիր է մնում սեփական արտադրության հաշվին հացամթերքով ապահովվածության մակարդակի բարձրացումը, որը բխում է նաև հանրապետության գյուղատնտեսության ռեսուրսային ներուժի լիարժեք օգտագործման անհրաժեշտությունից:

**Վերջին 6 տարիների հնձված ցորենի ցանքատարածությունները, արտադրության ծավալները և ներկրումները բնութագրվում են հետևյալ ցուցանիշներով**

| Տարեթիվը | Տարածությունը<br>հա | Միջին բերքը<br>ց/հա | Համախառն<br>բերքը<br>տոննա | Ներկրումը<br>տոննա |
|----------|---------------------|---------------------|----------------------------|--------------------|
| 2004     | 124511              | 23.5                | 291555                     | 384608             |
| 2005     | 127574              | 20.3                | 258361                     | 319087             |
| 2006     | 100118              | 14.7                | 146545                     | 305513             |
| 2007     | 98400               | 25.9                | 254233                     | 421185             |
| 2008     | 92810               | 24.3                | 225733                     | 297336             |
| 2009     | 88530               | 22.4                | 198080                     | 374920             |

9. Ըստ օպերատիվ տվյալների 2009թ. աշնանը 2010թ. բերքի համար կատարված աշնանացան ցորենի ցանքատարածությունը կազմում է 82.7 հազ. հա նախորդ տարվա 87.8 հազ. հա և 2005 թվականի 127.6 հազ. հեկտարի դիմաց: Կրճատվել են նաև զարնանացան ցորենի ցանքատարածությունները: Նվազման միտումը կապված է մշակաբույսի ցածր եկամտաբերության հետ: Վերջինս պայմանավորված է մի շարք գործոններով, որոնցից առաջնայինը բարձր վերարտադրության սերմացուների պակասն է:

10. Խորհրդային իշխանության տարիներին Հայաստանում ձևավորվել էր գիտաարտադրական հզոր, հանրապետության պահանջները հիմնականում բավարարող սերմնաբուծության համակարգ, որն իր մեջ ներառում էր հանրապետական նշանակության

գիտաարտադրական միավորումներ, էլիտային և մասնագիտացված սերմնաբուծական տնտեսություններ: Սերմնաբուծության նպատակով մշակության տակ էին դրված հանրապետության ամենաբերրի հողերը՝ շուրջ 30000 հա ջրովի վարելահող, սերմնաբուծության բոլոր օղակներն ունեին երաշխավորված ֆինանսավորում, սերմերի իրացման կենտրոնացված, վճարունակ համակարգ, նյութատեխնիկական հզոր բազա:

11. Շուկայական հարաբերությունների պայմաններում խաթարվել է սերմնաբուծության համակարգը, նախնինում գործող ավելի քան երեք տասնյակ մասնագիտացված պետական սերմնաբուծական տնտեսությունների փոխարեն հացահատիկի սերմերի արտադրության գծով այսօր հանրապետությունում գործում են պետական 2 սերմնաբուծական տնտեսություններ՝ <Գյումրիի սելեկցիոն կայան> ՊՓԲԸ-ն և <Երկրագործության և բույսերի պաշտպանության գիտական կենտրոն> ՊՈԱԿ-ը, որոնք ապահովված չեն անհրաժեշտ տեխնիկայով ու սարքավորումներով, կարիք ունեն հողերի և ոռոգման համակարգի բարելավման ու հողատարածքների ընդարձակման:

12. Հանրապետությունում սերմնաբուծությամբ զբաղվում են նաև տարբեր մասնավոր տնտեսավարողներ և սերմնաբուծական միություններ, որոնցից են՝ Սյունիքի սերմ արտադրողների իրավաբանական անձանց միությունը, Սյունիքի ֆերմերների միությունը, Արմենիան Թեքնոլոջի Գրուպի հիմնադրամը և Սերմ արտադրողների աջակցության միությունը: Սակայն նշված տնտեսություններն ինչպես արտադրանքի որակական, այնպես էլ ծավալային առումով չեն բավարարում հանրապետության պահանջարկը:

13. Սերմնաբուծությունը որպես գյուղատնտեսական մշակաբույսերի ագրոէկոլոգիական և գենետիկական բազմազանության վերարտադրության համակարգ անփոխարինելի նշանակություն ունի բուսաբուծության զարգացման տեսակետից: Ներկայումս հանրապետության բուսաբուծության ոլորտի ամենամեծ հիմնահարցը դարձել է սերմնաբուծության արդյունավետ միջոցառումների կազմակերպման անհրաժեշտությունը, որի լուծման արագությունից է կախված ՀՀ ագրոպարենային համակարգում բազմաթիվ խնդիրների կարգավորումը:

14. Ցորենի սերմնաբուծության ոլորտում ծագած խնդիրներին լուծում տալու նպատակով ՀՀ կառավարության կողմից 2007թ. մարտի 15-ի N 451-Ս որոշմամբ հաստատվեց <Ցորենի և գարու սերմնաբուծության զարգացման 2007-2011թթ ծրագիրը>, որի հիմնական նպատակն է հացահատիկային ճյուղի արդյունավետության բարձրացման միջոցով հացահատիկային մշակաբույսերի արտադրության ծավալների ավելացումը և արդյունքում՝ ինքնապահովության մակարդակի էական ավելացումը:

15. Ծրագրի կատարման համար նախատեսված գումարները 2008 թվականից սկսած կրճատվել են: Ելնելով Հայաստանի Հանրապետության պետական բյուջեի լարվածությունից, շուրջ 70%-ով կրճատվել է նաև 2010 թվականի ՀՀ ճշտված բյուջեով ծրագրի կատարման համար նախատեսված գումարը, որի հետևանքով վտանգվում է ծրագրում նշված հիմնական նպատակների լիարժեք կատարումը: Նույնիսկ նման պայմաններում հացահատիկի բարձր

վերարտադրության (սուպերէլիտա, էլիտա) սերմացուների 1 կգ-ի գինը 2007թ-ի՝ 200-220 դրամի փոխարեն ներկայումս կազմում է 140-160 դրամ: Ծրագրի իրականացումը մեծ դեր է ունեցել նաև հացահատիկային մշակաբույսերի՝ հատկապես ցորենի բերքատվության բարձրացման գործում: Համաձայն ՀՀ ԱՎԾ տվյալների 2000-2006թթ ցորենի միջին բերքատվությունը կազմել է 20.6 ց/հա, իսկ 2007-2009թթ՝ 24.2 ց/հա, այսինքն ծրագրի իրականացման 3 տարիների ընթացքում ցորենի 1 հա-ի միջին բերքատվությունն ավելացել է 3.6 ցենտներով, կամ տարեկան միջինը՝ 1.2 ցենտներով:

16. Բացի վերը նշված ծրագրով արտադրված սերմացուներից սերմնաբուծական պետական կազմակերպությունների և սերմնաբուծությամբ զբաղվող մասնավոր ֆերմերների կողմից տարեկան արտադրվում է ևս 1200-1500 տոննա բարձր վերարտադրության սերմացու: Այսինքն հանրապետության հացահատիկի ցանքերի շուրջ 6-7%-ն է ապահովվում սեփական արտադրության բարձր վերարտադրության սերմացուներով:

17. Վերջին տարիներին հանրապետությունում կազմակերպվում են ICARDA-ի, SIMIT-ի, ինչպես նաև Ռուսաստանի Դաշնության, Ուկրաինայի, Իրանի Իսլամական Հանրապետության և այլ երկրների հավաքածուներում ընդգրկված և շրջանացված հացահատիկային մշակաբույսերի սորտերի լայնամասշտաբ փորձարկումներ: Մասնավորապես, 2010 թվականին Ուկրաինայի Խարկովի մարզից Հայաստանի Հանրապետություն է ներկրվել աշնանացան ցորենի հինգ տարբեր սորտերի 1250 կգ սերմացու և հանրապետության տարբեր գոտիներում՝ սորտափորձարկումներ իրականացնելու նպատակով, հատկացվել <Երկրագործության և բույսերի պաշտպանության գիտական կենտրոն> ՊՈԱԿ-ին, <Գյումրիի սելեկցիոն կայան> ՊՓԲԸ-ին, <Սյունիքի սերմարտադրողների իրավաբանական անձանց միությանը> և <Սերմարտադրողների աջակցության միությանը>: Սերմացուները հանրապետության բնակլիմայական պայմաններին հարմարվելու և բերքատվության բարձր ցուցանիշ ունենալու դեպքում՝ կգրանցվեն <Հայաստանի Հանրապետության տարածքում օգտագործման և հետագա բազմացման նպատակով գրանցված բույսերի սորտերի ցանկում>:

18. Առաջիկա 3 տարիների ընթացքում, հողօգտագործողներին պետական որևէ նպատակային աջակցություն տրամադրելիս, անհրաժեշտ է հաշվի առնել մշակաբույսի ռազմավարական նշանակությունը, մշակության ժամանակ 1 հա-ի վրա կատարվող ծախսերը, ստացվող բերքը և ակնկալվող շահույթը: Վերջինս ելակետային պետք է լինի պետական աջակցության ուղղությունների և չափերի սահմանման համար:

19. Ստորև ներկայացվում է հանրապետության տարբեր գոտիներում, հացահատիկի 1 հա-ի մշակության համար կատարվող ծախսերը, ստացվող միջին բերքը և զուտ եկամուտը:

| Մշակաբույսը | 1հա-ի հաշվով կատարվող ծախսերը, հազ. դրամ | Միջին բերքը, ց/հա | 1կգ-ի իրացման միջին գինը, դրամ | Հասույ-թը, հազ. դրամ | Զուտ եկամուտ-տը, հազ. դրամ |
|-------------|--|-------------------|--------------------------------|----------------------|----------------------------|
| 1           | 2  | 3                 | 4                              | 5                    | 6                          |

|                                 |         |       |    |         |       |
|---------------------------------|---------|-------|----|---------|-------|
| Հացահատիկ (Արարատյան հարթավայր) | 300-325 | 35-40 | 90 | 315-360 | 15-35 |
| Հացահատիկ (անջրդի տարածքներ)    | 200-220 | 20-22 | 90 | 180-200 | -20   |

20. Երաշխավորված բարձր բերքի ստացման հիմնական գրավականը բարձրորակ սերմերով ցանքի կատարումն է: Հանրապետությունում բարձր վերարտադրության սերմացուների գները կարգավորելու և տնտեսավարող սուբյեկտների համար մատչելի դարձնելու նպատակով, հանրապետությունում 2007-2011թթ. ցորենի և գարու սերմնաբուծության զարգացման ծրագրի շրջանակներում որոշակիորեն կարգավորվեց սերմնաբուծական տնտեսությունների կողմից արտադրվող սերմացուների իրացման գինը՝ ի հաշիվ ծրագրով նախատեսված լրավճարների: Բարձր վերարտադրության (սուպերէլիտա, էլիտա) 1կգ սերմացուն հանրապետության տնտեսավարող սուբյեկտներին վաճառվում է 160 դրամ արժեքով՝ գործող շուկայական գներից 25-30%-ով պակաս:

21. Բուսաբուծության բնագավառի ուսումնասիրություններից բացահայտվել է, որ՝

- 1) գրեթե բոլոր, և հատկապես հացահատիկային, մշակակաբույսերի գծով զգացվում է որակյալ՝ բարձր վերարտադրության, բերքատվության մեծ պոտենցիալ ունեցող սերմացուների կարիք,
- 2) հողօգտագործողների համար մատչելի չեն դիզելային վառելանյութի, պարարտանյութերի և բուժանյութերի գները,
- 3) անջրդի պայմաններում, միավոր տարածքից, ամենաքիչ եկամուտ են ապահովում հատկապես հացահատիկային մշակաբույսերը,
- 4) գյուղատնտեսական մշակաբույսերի եկամտաբերությունը տարեց-տարի նվազում է՝ պայմանավորված մշակության նպատակով կատարվող ծախսերի ավելացմամբ,
- 5) հողօգտագործողներին պետական աջակցության (սուբսիդիա) տրամադրումը նպաստում էր տևականորեն չմշակված վարելահողերի շրջանառության մեջ ներգրավմանը, մշակության ագրոտեխնիկայի բարելավմանը և ցանքատարածությունների ու համախառն բերքի ավելացմանը,

22. Հիմք ընդունելով սերմերի պահանջարկը՝ սորտափոճարկման նպատակով, յուրաքանչյուր տարի անհրաժեշտ է հանրապետություն ներմուծել արտերկրներում իրենց լավագույնս դրսևորած 15-20 սորտեր և նրանցից հեռանկարայինները, փորձարկումների ավարտից հետո, շրջանացնել հանրապետությունում:

23. <Գյումրիի սելեկցիոն կայան> ՊՓԲԸ-ի կարողությունների հզորացման համար անհրաժեշտ է 150-200 հա հողատարածքի տրամադրում՝ երկարատև վարձակալման կամ սեփականության իրավունքով, գյուղատնտեսական տեխնիկայի ու գործիքների ձեռքբերում, ռոտոման ցանցի վերակառուցում, պահեստային տնտեսության բարելավում, ինչի հետևանքով շուրջ 65-70%-ով կավելանան սերմարտադրության ծավալները:

24. <Երկրագործության և բույսերի պաշտպանության գիտական կենտրոն> ՊՈԱԿ-ի կարողությունների հզորացման համար անհրաժեշտ է 70-100 հա հողատարածքի տրամադրում՝

երկարատև վարձակալման կամ սեփականության իրավունքով, գյուղատնտեսական տեխնիկայի ու գործիքների ձեռքբերում, ոռոգման ցանցի վերակառուցում և բարելավում, ինչի հետևանքով շուրջ 65-70%-ով կավելանան սերմարտադրության ծավալները:

25. Սերմնաբուծությամբ և սերմարտադրությամբ զբաղվող մասնավոր տնտեսավարող սուբյեկտների կարողությունների հզորացման համար անհրաժեշտ է գյուղատնտեսական տեխնիկայի, սարքավորումների ու գործիքների ձեռքբերում:

## II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

26. Ծրագրի նպատակն է՝ հանրապետության ագրարային ոլորտի առաջնահերթ կարևորություն ունեցող ենթաճյուղերից մեկում՝ բուսաբուծության ոլորտի, սերմնաբուծության բնագավառում պետական աջակցության տարբեր մեխանիզմների կիրառմամբ նպաստել՝ ռեսուրսների արդյունավետ օգտագործմանը, հացահատիկային մշակաբույսերի տեղական արտադրության ավելացմանը, ներմուծման փոխարինմանը և ինքնաբավության մակարդակի բարձրացմանը:

27. Ծրագրի խնդիրներն են՝

1) ծրագրի իրականացման առաջին տարում արտերկրներից 950 տոննա և տեղական արտադրության 500 տոննա բարձր վերարտադրության հացահատիկային մշակաբույսերի սերմացուների գնում,

2) ծրագրի իրականացման երկրորդ տարում արտերկրներից 800 տոննա և տեղական արտադրության 900 տոննա բարձր վերարտադրության հացահատիկային մշակաբույսերի սերմացուների գնում,

3) ծրագրի իրականացման երրորդ տարում արտերկրներից 600 տոննա և տեղական արտադրության 1500 տոննա բարձր վերարտադրության հացահատիկային մշակաբույսերի սերմացուների գնում,

4) ծրագրի իրականացման չորրորդ տարում արտերկրներից 450 տոննա և տեղական արտադրության 1950 տոննա բարձր վերարտադրության հացահատիկային մշակաբույսերի սերմացուների գնում,

5) ծրագրի իրականացման հինգերորդ տարում արտերկրներից ներկրումների դադարեցում և տեղական արտադրության 3300 տոննա բարձր վերարտադրության հացահատիկային մշակաբույսերի սերմացուների գնում,

6) պետական և սերմնաբուծության գծով մասնագիտացված ֆերմերային տնտեսություններից գնված սերմացուների վերարտադրության կազմակերպում,

7) արտադրված առաջին վերարտադրության սերմացուն հացահատիկի արտադրությամբ զբաղվող գյուղացիական տնտեսություններին տրամադրում:



III. ԾՐԱԳՐԻ ՇՐՋԱՆԱԿՆԵՐՈՒՄ ԻՐԱԿԱՆԱՑՎՈՂ ՄԻՋՈՑԱՌՈՒՄՆԵՐԸ ԵՎ ՊԱՀԱՆՁՎՈՂ  
ՆԵՐԴՐՈՒՄՆԵՐԸ

28. Ծրագրի շրջանակներում իրականացվող միջոցառումները նախատեսված են առաջիկա հինգ տարիների համար և ընդգրկում են մեր երկրի ագրոպարենային համակարգի առանցքային ճյուղերից մեկը՝ բուսաբուծությունը:

**29. Իրականացվող միջոցառումները**

*2010 թվական*

2010թ. նախատեսվում է արտերկրներում գրանցված, երաշխավորված կայուն և բարձր բերք ապահովող, Հայաստանի բնակլիմայական պայմաններին համապատասխան տարածքներում արտադրված երկրներից ներմուծել մինչև 950 և հանրապետության սերմնաբուծությամբ զբաղվող տնտեսավարող սուբյեկտներից ձեռք բերել մինչև 500 տոննա էլիտային վերարտադրության սերմացու, ընդամենը՝ 1450 տոննա, որով հնարավոր կլինի ցանքեր իրականացնել շուրջ 4830 հա տարածության վրա՝ 300 կգ/հա ցանքի նորմայով:

Սերմացուն՝ հիմք ընդունելով հողի սեփականության կամ վարձակալության վկայականները, հողատարածքների ընտրության արդյունքում, կհատկացվի 3 և ավելի հեկտար հողատարածք ունեցող տնտեսավարող սուբյեկտներին՝ 1:2 փոխհարաբերությամբ հետ վերադարձնելու պայմանով, ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա: Նույն պայմանագրով կամրագրվեն նաև հողի մշակության, կիրառվող ագրոտեխնիկայի և սերմացուի, կամ պարենային ցորենի հետվերադարձի պայմանները: Սերմացուի տրամադրումից հետո կկատարվի փաստացի ցանքերի ստուգում:

Արդյունքում 2011թ. ակնկալվում է հետ ստանալ 2900 տոննա (1450 X 2) առաջին վերարտադրության սերմացու: Սերմացուն պարտադիր պետք է ունենա ծագումը և որակը հավաստող փաստաթղթեր:

Նախարարությանը 1:2 փոխհարաբերությամբ հետ վերադարձնելուց հետո տնտեսավարողների մոտ մնացած սերմացուն կտնօրինվի վերջիններիս կողմից, ըստ իրենց հայեցողության:

2011թ. նախատեսվում է հետ վերադարձված 2900 տոննա առաջին վերարտադրության սերմացուն, 1:2 փոխհարաբերությամբ հետ վերադարձնելու պայմանով, տրամադրել 1-ից մինչև 3 հա հողատարածք ունեցող, ցորենի մշակությամբ զբաղվող, տնտեսավարող սուբյեկտներին, որով հնարավոր կլինի ցանքեր իրականացնել շուրջ 9660 հա տարածության վրա՝ 300 կգ/հա ցանքի

նորմայով: Սերմացուի հատկացումը կկատարվի ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա՝ հիմք ընդունելով հողի սեփականության կամ վարձակալության վկայականները: Սերմացուի տրամադրումից հետո կկատարվի փաստացի ցանքերի ընտրանքային ստուգում:

### **2011 թվական**

2011թ. նախատեսվում է արտերկրից ներմուծել մինչև 800 և հանրապետության սերմնաբուծությամբ զբաղվող տնտեսավարող սուբյեկտներից ձեռք բերել մինչև 900 տոննա էլիտային վերարտադրության սերմացու, ընդամենը՝ 1700 տոննա, որով հնարավոր կլինի ցանքեր իրականացնել շուրջ 5660 հա տարածության վրա՝ 300 կգ/հա ցանքի նորմայով:

Սերմացուն՝ հիմք ընդունելով հողի սեփականության կամ վարձակալության վկայականները, հողատարածքների ընտրության արդյունքում, կհատկացվի 3 և ավելի հեկտար հողատարածք ունեցող տնտեսավարող սուբյեկտներին՝ 1:2 փոխհարաբերությամբ հետ վերադարձնելու պայմանով, ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա: Նույն պայմանագրով կամրագրվեն նաև հողի մշակության, կիրառվող ագրոտեխնիկայի և սերմացուի, կամ պարենային ցորենի հետվերադարձի պայմանները: Սերմացուի տրամադրումից հետո կկատարվի փաստացի ցանքերի ստուգում:

Արդյունքում 2012թ. ակնկալվում է հետ ստանալ 3400 տոննա (1700 X 2) առաջին վերարտադրության սերմացու: Սերմացուն պարտադիր պետք է ունենա ծագումը և որակը հավաստող փաստաթղթեր:

2012թ. նախատեսվում է հետ ստանալ նաև 2011թ. 1:2 փոխհարաբերությամբ հատկացված 1-ին վերարտադրության սերմացուից ստացված 5800 տոննա (2900 X 2) ապրանքային ցորենը, որը կօգտագործվի շրջանառու հիմնադրամ ստեղծելու նպատակով: Հիմնադրամին հատկացված ապրանքային ցորենը, կամ նրա արժեքը (միջին շուկայական գնով) կհատկացվի սերմնաբուծության և սերմարտադրության ծրագրի շարունակման համար՝ նոր բարձրորակ սերմացուների ձեռքբերման նպատակով:

Նախարարությանը 1:2 փոխհարաբերությամբ հետ վերադարձնելուց հետո տնտեսավարողների մոտ մնացած սերմացուն կտնօրինվի վերջիններիս կողմից, ըստ իրենց հայեցողության:

2012թ. նախատեսվում է հետ վերադարձված 3400 տոննա առաջին վերարտադրության սերմացուն 1:2 փոխհարաբերությամբ հետ վերադարձնելու պայմանով՝ տրամադրել 1-ից մինչև 3 հա հողատարածք ունեցող, ցորենի մշակությամբ զբաղվող, տնտեսավարող սուբյեկտներին, որով հնարավոր կլինի ցանքեր իրականացնել շուրջ 11330 հա տարածության վրա՝ 300 կգ/հա ցանքի նորմայով: Սերմացուի հատկացումը կկատարվի ՀՀ գյուղատնտեսության նախարարության

համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա՝ հիմք ընդունելով հողի սեփականության կամ վարձակալության վկայականները: Սերմացուի տրամադրումից հետո կկատարվի փաստացի ցանքերի ընտրանքային ստուգում:

### **2012 թվական**

2012թ. նախատեսվում է արտերկրից ներմուծել 600 և հանրապետության սերմնաբուծությամբ զբաղվող տնտեսավարող սուբյեկտներից ձեռք բերել 1500 տոննա էլիտային վերարտադրության սերմացու, ընդամենը՝ 2100 տոննա, որով հնարավոր կլինի ցանքեր իրականացնել շուրջ 7000 հա տարածության վրա՝ 300 կգ/հա ցանքի նորմայով:

Սերմացուն՝ հիմք ընդունելով հողի սեփականության կամ վարձակալության վկայականները, հողատարածքների ընտրության արդյունքում, կհատկացվի 3 և ավելի հեկտար հողատարածք ունեցող տնտեսավարող սուբյեկտներին՝ 1:2 փոխհարաբերությամբ հետ վերադարձնելու պայմանով, ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա: Նույն պայմանագրով կամրագրվեն նաև հողի մշակության, կիրառվող ագրոտեխնիկայի և սերմացուի, կամ պարենային ցորենի հետվերադարձի պայմանները: Սերմացուի տրամադրումից հետո կկատարվի փաստացի ցանքերի ստուգում:

Արդյունքում 2013թ. ակնկալվում է հետ ստանալ 4200 տոննա (2100 X 2) առաջին վերարտադրության սերմացու: Սերմացուն պարտադիր պետք է ունենա ծագումը և որակը հավաստող փաստաթղթեր:

2013թ. նախատեսվում է հետ ստանալ նաև, 2012թ. 1:2 փոխհարաբերությամբ հատկացված 1-ին վերարտադրության սերմացուից ստացված 6800 տոննա (3400 X 2) ապրանքային ցորենը, որը կօգտագործվի շրջանառու հիմնադրամ ստեղծելու նպատակով: Հիմնադրամին հատկացված ապրանքային ցորենը, կամ նրա արժեքը (միջին շուկայական գնով) կհատկացվի սերմնաբուծության և սերմարտադրության ծրագրի շարունակման համար՝ նոր բարձրորակ սերմացուների ձեռքբերման նպատակով:

Նախարարությանը 1:2 փոխհարաբերությամբ հետ վերադարձնելուց հետո տնտեսավարողների մոտ մնացած սերմացուն կտնօրինվի վերջիններիս կողմից, ըստ իրենց հայեցողության:

2013թ. նախատեսվում է հետ վերադարձված 4200 տոննա առաջին վերարտադրության սերմացուն 1:2 փոխհարաբերությամբ հետ վերադարձնելու պայմանով՝ տրամադրել 1-ից մինչև 3 հա հողատարածք ունեցող, ցորենի մշակությամբ զբաղվող, տնտեսավարող սուբյեկտներին, որով հնարավոր կլինի ցանքեր իրականացնել շուրջ 14000 հա տարածության վրա՝ 300 կգ/հա ցանքի նորմայով: Սերմացուի հատկացումը կկատարվի ՀՀ գյուղատնտեսության նախարարության

համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա՝ հիմք ընդունելով հողի սեփականության կամ վարձակալության վկայականները: Սերմացուի տրամադրումից հետո կկատարվի փաստացի ցանքերի ընտրանքային ստուգում:

### **2013 թվական**

2013թ. նախատեսվում է արտերկրից ներմուծել 450 և հանրապետության սերմնաբուծությամբ զբաղվող տնտեսավարող սուբյեկտներից ձեռք բերել 1950 տոննա էլիտային վերարտադրության սերմացու, ընդամենը՝ 2400 տոննա, որով հնարավոր կլինի ցանքեր իրականացնել շուրջ 8000 հա տարածության վրա՝ 300 կգ/հա ցանքի նորմայով:

Սերմացուն՝ հիմք ընդունելով հողի սեփականության կամ վարձակալության վկայականները, հողատարածքների ընտրության արդյունքում, կհատկացվի 3 և ավելի հեկտար հողատարածք ունեցող տնտեսավարող սուբյեկտներին՝ 1:2 փոխհարաբերությամբ հետ վերադարձնելու պայմանով, ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա: Նույն պայմանագրով կամրագրվեն նաև հողի մշակության, կիրառվող ագրոտեխնիկայի և սերմացուի, կամ պարենային ցորենի հետվերադարձի պայմանները: Սերմացուի տրամադրումից հետո կկատարվի փաստացի ցանքերի ստուգում:

Արդյունքում 2014թ. ակնկալվում է հետ ստանալ 4800 տոննա (2400 X 2) առաջին վերարտադրության սերմացու: Սերմացուն պարտադիր պետք է ունենա ծագումը և որակը հավաստող փաստաթղթեր:

2014թ. նախատեսվում է հետ ստանալ նաև, 2013թ. 1:2 փոխհարաբերությամբ հատկացված 1-ին վերարտադրության սերմացուից ստացված 8400 տոննա (4200 X 2) ապրանքային ցորենը, որը կօգտագործվի շրջանառու հիմնադրամ ստեղծելու նպատակով: Հիմնադրամին հատկացված ապրանքային ցորենը, կամ նրա արժեքը (միջին շուկայական գնով) կհատկացվի սերմնաբուծության և սերմարտադրության ծրագրի շարունակման համար՝ նոր բարձրորակ սերմացուների ձեռքբերման նպատակով:

Նախարարությանը 1:2 փոխհարաբերությամբ հետ վերադարձնելուց հետո տնտեսավարողների մոտ մնացած սերմացուն կտնօրինվի վերջիններիս կողմից, ըստ իրենց հայեցողության:

2014թ. նախատեսվում է հետ վերադարձված 4800 տոննա առաջին վերարտադրության սերմացուն 1:2 փոխհարաբերությամբ հետ վերադարձնելու պայմանով՝ տրամադրել 1-ից մինչև 3 հա հողատարածք ունեցող, ցորենի մշակությամբ զբաղվող, տնտեսավարող սուբյեկտներին, որով հնարավոր կլինի ցանքեր իրականացնել շուրջ 16000 հա տարածության վրա՝ 300 կգ/հա ցանքի նորմայով: Սերմացուի հատկացումը կկատարվի ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող

սուբյեկտի միջև կնքված եռակողմ պայմանագրի հիման վրա՝ հիմք ընդունելով հողի սեփականության կամ վարձակալության վկայականները: Սերմացուի տրամադրումից հետո կկատարվի փաստացի ցանքերի ընտրանքային ստուգում:

### **2014 թվական**

Նախատեսվում է հանրապետության սերմնաբուծությամբ զբաղվող տնտեսավարող սուբյեկտներից ձեռք բերել 3300 տոննա էլիտային վերարտադրության սերմացու, որով հնարավոր կլինի ցանքեր իրականացնել շուրջ 11000 հա տարածության վրա՝ 300 կգ/հա ցանքի նորմայով:

Սերմացուն՝ հիմք ընդունելով հողի սեփականության կամ վարձակալության վկայականները, հողատարածքների ընտրության արդյունքում, կհատկացվի 3 և ավելի հեկտար հողատարածք ունեցող տնտեսավարող սուբյեկտներին՝ 1:2 փոխհարաբերությամբ հետ վերադարձնելու պայմանով, ՀՀ գյուղատնտեսության նախարարության համակարգի <Սերմերի գործակալություն> ՊՈԱԿ-ի, համայնքի ղեկավարի և տնտեսավարող սուբյեկտի միջև կնքված եռակողմ պայմանագրի հիման վրա: Նույն պայմանագրով կամրագրվեն նաև հողի մշակության, կիրառվող ագրոտեխնիկայի և սերմացուի, կամ պարենային ցորենի հետվերադարձի պայմանները: Սերմացուի տրամադրումից հետո կկատարվի փաստացի ցանքերի ստուգում:

Արդյունքում 2015թ նախատեսվում է հետ ստանալ 2014թ. 3300 տոննա էլիտային սերմացուի հետվերադարձից ստացված 6600 տոննա (3300 X 2) առաջին վերարտադրության սերմացուն, որով հնարավոր կլինի ցանք կատարել 22000 հա տարածության վրա: Սերմացուն պարտադիր պետք է ունենա ծագումը և որակը հավաստող փաստաթղթեր:

2015թ. նախատեսվում է հետ ստանալ նաև, 2014թ. 1:2 փոխհարաբերությամբ հատկացված 1-ին վերարտադրության սերմացուից ստացված 9600 տոննա (4800 X 2) ապրանքային ցորենը, որը կօգտագործվի շրջանառու հիմնադրամ ստեղծելու նպատակով: Հիմնադրամին հատկացված ապրանքային ցորենը, կամ նրա արժեքը (միջին շուկայական գնով) կհատկացվի սերմնաբուծության և սերմարտադրության ծրագրի շարունակման համար՝ նոր բարձրորակ սերմացուների ձեռքբերման նպատակով:

2016թ. նախատեսվում է հետ ստանալ 2015թ. 1:2 փոխհարաբերությամբ հատկացված 1-ին վերարտադրության սերմացուից ստացված 13200 տոննա (6600 X 2) ապրանքային ցորենը, որը կօգտագործվի շրջանառու հիմնադրամ ստեղծելու նպատակով: Հիմնադրամին հատկացված ապրանքային ցորենը, կամ նրա արժեքը (միջին շուկայական գնով) կհատկացվի սերմնաբուծության և սերմարտադրության ծրագրի շարունակման համար՝ նոր բարձրորակ սերմացուների ձեռքբերման նպատակով:

Ծրագրի իրականացման 3-րդ տարուց (2012 թվական) սկսած մինչև 2016 թվականը նախատեսվում է ծրագրում ընդգրկված 1-3 հա հողատարածք ունեցող տնտեսավարողներից հետ ստանալ համապատասխանաբար 5800.0, 6800.0, 8400.0, 9600.0 և 13200.0՝ ընդամենը 43800.0 տոննա երկրորդ վերարտադրության սերմացու: Սերմերի հետվերադարձը կիրականացվի՝ շրջանառու հիմնադրամի հաշվին, գումարային տեսքով՝ տվյալ տարվա մթերման գնի չափով: Մեկ

տոննան 90000 դր միջին շուկայական արժեքի դեպքում ընդհանուր գումարը համապատասխանաբար կկազմի 522.0, 612.0, 756.0, 864.0 և 1188.0 մլն դրամ, ընդհամենը՝ 3942.0 մլն. դրամ (43800տ. X 90000դ. = 3942,0 մլն. դրամ):

Մինչև 1 և 1 հա-ից մինչև 3 հա հողատարածք ունեցող, սակայն ծրագրում չընդգրկված հողօգտագործողներին աջակցություն ցուցաբերելու, ծրագրի իրականացումն արագացնելու, տեղական սերմարտադրողների կարողությունները հզորացնելու, սերմնաբուծության զարգացման և ցորենի արտադրության ծավալներն ավելացնելու նպատակով առաջարկվում է շրջանառու հիմնադրամի 3940.0 մլն դրամ գումարն օգտագործել հետևյալ նպատակներով՝

ա) որպես լրավճար տրամադրել ծրագրում ընդգրկված 1-3 հա հողատարածք ունեցող, երկրորդ վերարարտադրության սերմեր արտադրող տնտեսավարողներին՝ նրանց կողմից արտադրված սերմացուները, գնորդի և վաճառողի ստորագրությամբ ու համայնքի ղեկավարի կողմից վավերացված ցանկի առկայության պայմաններում, որպես սերմացու, համայնքի մինչև 1 հա հողատարածք ունեցող և մինչև 3 հա հողատարածք ունեցող, սակայն նշված ծրագրում չընդգրկված հողօգտագործողներին՝ ապրանքային ցորենի գնով վաճառելու դեպքում: Յուրաքանչյուր կիլոգրամ վաճառված սերմացուի դիմաց վճարել տվյալ տարվա սերմացուի արժեքի և մթերման գնի տարբերության չափով:

բ) Սերմնաբուծության զարգացման համար ձեռք բերել անհրաժեշտ տեխնիկա և սարքավորումներ՝ հանրապետության բարձր վերարտադրության (սուպերէլիտա, էլիտա) սերմացուներ արտադրող պետական կամ մասնավոր ընկերություններին և ֆերմերներին մատչելի գներով տրամադրելու նպատակով:

Նկատի ունենալով ցորենի ռազմավարական նշանակությունը, նշված ծրագրի իրականացումը հնարավորություն կտա բարձրացնելու հողօգտագործողների շահագրգռվածությունը ցորենի մշակության նկատմամբ, վերջինիս ցանքատարածությունները 2014թ. հասցնելու 115-120 հազ հեկտարի և 30 ց/հա միջին բերք ապահովելու պայմաններում արտադրելու 345-360 հազ տոննա ցորեն, կամ 2010թ. կանխատեսվող 160.0- 170,0 հազ. տոննայից ավել արտադրել 175-190 հազ տոննա: Ծրագրի իրականացումը հնարավորություն կտա նաև նվազեցնելու արտերկրից ցորենի ներմուծումները և ինքնաբավության մակարդակը հանրապետությունում 37%-ից հասցնելու 50-55%-ի:

#### **IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ**

30. Տեղական արտադրության հացահատիկային մշակաբույսերի արտադրության ծավալների ավելացման համար նախադրյալների ստեղծում,

31. տեղական բարձր վերարտադրության սերմերի արտադրության մրցունակության բարձրացման և ծավալների ավելացման միջոցով ներմուծման փոխարինում,

32. նպատակային պետական աջակցության մեխանիզմների կիրառմամբ բնատնտեսական ռեսուրսների արդյունավետ օգտագործման նախադրյալների ստեղծում,

33. ներդրումների մատչելիության միջոցով արտադրության արդյունավետության բարձրացման հնարավորությունների ստեղծում,

34. հանրապետության ագրոպարենային համակարգի՝ սերմնաբուծության ոլորտի զարգացման համար կարևոր նշանակություն ունեցող ընկերությունների, ֆերմերային տնտեսությունների ժամանակավոր դժվարությունների հաղթահարման և կայուն գործունեության ապահովման պայմանների ստեղծում,

35. ագրոպարենային ոլորտում աշխատատեղերի պահպանում և նոր աշխատատեղերի ստեղծում:

36. ծրագրի իրականացումը հնարավորություն կընձեռի, համալիր միջոցառումների արդյունքում, երկրի ագրոպարենային համակարգում ձևավորել համեմատաբար կայուն իրավիճակ,

37. ցորենի մշակության եկամտաբերության բարձրացում, ցանքատարածությունների ընդարձակում և համախառն բերքի ծավալների ավելացում:

#### **V. ԱՌԱՋԱՐԿՈՒԹՅՈՒՆՆԵՐ**

38. Վերլուծությունները և հաշվարկները ցույց են տալիս, որ ցորենի մշակությունը համարվում է ոչ եկամտաբեր ճյուղ, ինչի հետևանքով տարեց-տարի կրճատվում են ցանքատարածությունները և նվազում է համախառն բերքը: Որպես ռազմավարական նշանակություն ունեցող ոլորտ, անհրաժեշտ է ցորենի արտադրությունը հանրապետությունում համարել գերակա ուղղություն:

39. Ծրագրի հետագա շարունակականությունն ապահովելու, հանրապետությունում առաջնային սերմնաբուծության զարգացման տեղական բարձր վերարտադրության սերմարտադրության ծավալներն ընդլայնելու և տնտեսավարող սուբյեկտներին բարձրորակ սերմացուներով ապահովելու նպատակով կարևորվում է ՀՀ Գեղարքունիքի, Լոռու, Շիրակի և Սյունիքի մարզերում մասնավոր հիմունքներով սերմնաբուծական տնտեսությունների հիմնումը:

40. Սերմացուների գնման, բաշխման, հետվերադարձի, Հայաստանի Հանրապետության մարզեր տեղափոխման, հողատարածքների ընտրության, պայմանագրերի կնքման, շրջանառու հիմնադրամի ֆինանսական միջոցների հավաքագրման, օգտագործման գործընթացի և ծրագրի

իրականացման պարտականությունները վերապահել Հայաստանի Հանրապետության գյուղատնտեսության նախարարության համակարգի <Մերմերի գործակալություն> պետական ոչ առևտրային կազմակերպությանը:

41. Հանձնաժողովի աշխատանքները կոորդինացնում է Հայաստանի Հանրապետության գյուղատնտեսության նախարարությունը: <Մերմերի գործակալություն> պետական ոչ առևտրային կազմակերպությունը հաշվետու է Հայաստանի Հանրապետության գյուղատնտեսության նախարարությանը: Հայաստանի Հանրապետության գյուղատնտեսության նախարարությունը հաշվետու է Հայաստանի Հանրապետության կառավարությանը:

42. Մերմարտադրության գործընթացում առաջացած խնդիրներին լուծում տալու նպատակով Հայաստանի Հանրապետության մարզերում՝ Հայաստանի Հանրապետության Սյունիքի մարզի <Մերմարտադրողների իրավաբանական անձանց միության> օրինակով ստեղծել սերմարտադրողների միություններ, որոնց հիման վրա ստեղծել նաև <Մերմարտադրողների միություն> հանրապետական կենտրոն կամ խորհուրդ: Վերջինիս նպատակը պետք է լինի՝

ա) հանրապետության սերմարտադրողների շահերի ներկայացումը և պաշտպանությունը,

բ) Հայաստանի Հանրապետության կառավարություն սերմարտադրողների խնդիրների ներկայացումը և մասնագիտական օգնության ցուցաբերումը

գ) հացահատիկի մթերմամբ, համակցված կերերի արտադրությամբ զբաղվող կազմակերպությունների և ալրադացների հետ պայմանագրային գործընթացների կնքումը,

դ) միության անդամներին մատչելի գներով տեխնիկայի, պարարտանյութերի, բուժանյութերի, պահեստային մասերի և այլնի մատակարարումը,

ե) օրենսդրական դաշտի բարելավումը,

զ) արտերկրից սերմացուների ներկրումը,

է) սերմարտադրողներին աջակցության համար պահուստային ֆորդի ստեղծումը:

43. Երևան քաղաքի տարածքում կառուցված, 3200 տոննա հզորությամբ սերմգտիչ գործարանը ապամոնտաժել, տեղակայված 800-ական տոննա տարողությամբ 4 բունկերներից յուրաքանչյուրը տեղափոխել Հայաստանի Հանրապետության Գեղարքունիքի, Շիրակի, Սյունիքի և Արագածոտնի մարզեր և վերջիններիս բազայի հիման վրա տեղերում կառուցել սերմագտիչ գործարաններ:

44. Հանրապետությունում ցանքաշրջանառություն իրականացնելու նպատակով, վերոհիշյալ ծրագրի շրջանակներում ցորենի սերմացուների ներկրման հետ միասին իրականացնել նաև այլ մշակաբույսերի, մասնավորապես՝ եգիպտացորենի, կերային մշակաբույսերի և այլնի բարձր վերարտադրության սերմացուների ներկրումներ:

45. Ծրագրի իրականացման ընթացքում արտերկրներից ներմուծվող և հանրապետությունում գնվող սերմացուների գները սղաճի դեպքում ենթակա են վերանայման:



**VI. ԾՐԱԳՐԻ ԻՐԱԿԱՆԱՑՄԱՆ ԸՆԹԱՑՔՈՒՄ ԱՐՏԵՐԿՐԻՑ ԵՎ ՏԵՂԱԿԱՆ ՍԵՐՄՆԱԲՈՒԾԱԿԱՆ ՏՆՏԵՍՈՒԹՅՈՒՆՆԵՐԻՑ ՁԵՌՔ ԲԵՐՎՈՂ ՍԵՐՄԱՑՈՒՆԵՐԻ ԾԱՎԱԼՆԵՐԸ, ԱՐԺԵՔՆԵՐԸ, ՄԱՔՍԱԶԵՐԾՄԱՆ, ՄԱՐԶԿԵՆՏՐՈՆՆԵՐ ՏԵՂԱՓՈՈՄՄԱՆ, «ՄԵՐՄԵՐԻ ԳՈՐԾԱԿԱԼՈՒԹՅՈՒՆԷ ԵՎ «ԱԳՐՈՔԻՄԻԱԿԱՆ ԾԱՌԱՅՈՒԹՅՈՒՆԷ ՊՈԱԿ-ՆԵՐԻ ԿԱՐՈՂՈՒԹՅՈՒՆՆԵՐԻ ՀԶՈՐԱՑՄԱՆ ԾԱԽՍԵՐԸ**

2010թ. ՀՀ պետական բյուջեում նախատեսված է՝

- պետական աջակցություն գյուղատնտեսական հողօգտագործողներին - 558.0 մլն դրամ
- գյուղատնտեսական հողօգտագործողներին պետական աջակցության տրամադրման համակարգում - 20.835 մլն դրամ այդ թվում՝
- գյուղ. հողօգտագործողներին պետ աջակցութ. տրամադր. համակարգում - 15.0 մլն դրամ
- <Մերմերի գործակալություն> և <Ագրոքիմիական ծառայություն> ՊՈԱԿ-ների կարողությունների հզորացում - 5.835 մլն դրամ

2011թ միջնաժամկետ ծախսային ծրագրով նախատեսված է՝

- պետական աջակցություն գյուղատնտեսական հողօգտագործողներին - 550,0 մլն դրամ
- գյուղատնտեսական հողօգտագործողներին պետական աջակցության տրամադրման համակարգում - 20.835 մլն դրամ

2010թ. արտերկրից սերմի ներմուծում 950 տոննա X 400 դր = 380.0 մլն դրամ  
 ԱԱՀ 380.0 մլն X 20% = 76.0 մլն դրամ  
 Տեղական սերմնաբուծական տնտեսություններից 500 տոննա X 160դր = 80.0 մլն դրամ  
 Արտերկրից ներկրված և տեղում ձեռք բերված սերմացուների բեռնման, բեռնաթափման, ՀՀ մարզկենտրոններ տեղափոխման և այլ ծախսեր -22.0 մլն դրամ  
 $380,0 + 76.0 + 80.0 + 22.0 = 558.0$  մլն դրամ  
 $558.0 + 20.835 = 578.835$  մլն դրամ

2011թ. արտերկրից սերմի ներմուծում 800 տոննա X 400դր = 320,0 մլն դրամ  
 ԱԱՀ 320.0 մլն.դրամ X 20%= 64,0 մլն. դրամ  
 Տեղական սերմնաբուծական տնտեսություններից 900 տոննա X 160դր = 144.0 մլն դրամ  
 Արտերկրից ներկրված և տեղում ձեռք բերված սերմացուների բեռնման, բեռնաթափման, ՀՀ մարզկենտրոններ տեղափոխման և այլ ծախսեր -22.0 մլն. դրամ  
 $320.0 + 64.0 + 144.0 + 22.0 = 550,0$  մլն դրամ  
 $550.0 + 20.835 = 570.835$  մլն դրամ

2012թ. արտերկրից սերմի ներմուծում 600 տոննա X 400 դր = 240.0 մլն. դրամ  
 ԱԱՀ 240.0 մլն X 20% = 48.0մլն. դրամ  
 Տեղական սերմնաբուծական տնտեսություններից 1500 տոննա X 160դր = 240.0 մլն. դրամ  
 Արտերկրից ներկրված և տեղում ձեռք բերված սերմացուների բեռնման, բեռնաթափման, ՀՀ մարզկենտրոններ տեղափոխման և այլ ծախսեր -22.0 մլն դրամ  
 $240.0 + 48.0 + 240.0 + 22.0 = 550.0$  մլն դրամ  
 $550.0 + 20.835 = 570.835$  մլն դրամ

2013թ. արտերկրից սերմի ներմուծում 450 տոննա X 400դր = 180.0 մլն դրամ  
 ԱԱՀ 160.0 մլն X 20% = 36.0մլն. դրամ  
 Տեղական սերմնաբուծական տնտեսություններից 1950 տոննա X 160դր = 312.0 մլն դրամ  
 Արտերկրից ներկրված և տեղում ձեռք բերված սերմացուների բեռնման,

բեռնաթափման, ՀՀ մարզկենտրոններ տեղափոխման և այլ ծախսեր -22.0 մլն դրամ  
 $180.0 + 36.0 + 312.0 + 22.0 = 550.0$  մլն դրամ  
 $550.0 + 20.835 = 570.835$  մլն դրամ

2014թ. արտերկրից սերմի ներմուծում -

ԱԱՀ -

Տեղական սերմնաբուծական տնտեսություններից 3300 տոննա X 160դր = 528.0 մլն դրամ

Տեղում ձեռք բերված սերմացուների բեռնման, բեռնաթափման,

ՀՀ մարզկենտրոններ տեղափոխման և այլ ծախսեր

-22.0 մլն դրամ

$528.0 + 22.0 = 550.0$  մլն դրամ

$550.0 + 20.835 = 570.835$  մլն դրամ

2010թ. 578.835 մլն դրամ

2011թ. 570.835 մլն դրամ

2012թ. 570.835 մլն դրամ

2013թ. 570.835 մլն դրամ

2014թ. 570.835 մլն դրամ

Ընդամենը` 2868.175 մլն դրամ

| Տարեթիվ  | Արտերկրից ներմուծում |                        |                        | Տեղական արտադրության սերմացուների ձեռքբերում |                        |                        | Ընդամենը |          |
|----------|----------------------|------------------------|------------------------|--|------------------------|------------------------|----------|----------|
|          | տոննա                | 1 տ-ի արժեքը (հազ. դր) | Ընդ. արժեքը (մլն. դր.) | տոննա  | 1 տ-ի արժեքը (հազ. դր) | Ընդ. արժեքը (մլն. դր.) | տոննա    | մլն. դր. |
| 2010     | 950                  | 400.0                  | 380.0                  | 500  | 160.0                  | 80.0                   | 1450     | 460,0    |
| 2011     | 800                  | 400.0                  | 320.0                  | 900  | 160.0                  | 144.0                  | 1700     | 464,0    |
| 2012     | 600                  | 400.0                  | 240.0                  | 1500   | 160.0                  | 240.0                  | 2100     | 480,0    |
| 2013     | 450                  | 400.0                  | 180.0                  | 1950   | 160.0                  | 312.0                  | 2400     | 492,0    |
| 2014     | -                    | -                      | -                      | 3300   | 160.0                  | 528.0                  | 3300     | 528.0    |
| Ընդամենը | 2800                 | 400.0                  | 1120.0                 | 8150   | 160.0                  | 1304.0                 | 10950    | 2424,0   |

## Ⅶ. Յորենի սերմնաբուծության և սերմարտադրության ծրագրի շրջանակներում հողատարածքների ընտրության չափորիչները և ներկայացվող պահանջները

### Չափորոշիչներ

1. Հողատարածքի մակերեսը պետք է լինի առնվազն 3 հա:
2. Առավելությունը տրվում է ոռոգվող հողատարածքներին և ավելի մեծ հողակտոր ունեցող հողօգտագործողներին:
3. Պետք է ներկայացվի սեփականության կամ երկարաժամկետ վարձակալության մասին վկայական:
4. Հողատարածքը պետք է ունենա ցանքաշրջանառություն կիրառելու հնարավորություն:

### Պահանջներ

1. Ագրոտեխնիկական համալիր միջոցառումների պարտադիր իրականացում:
2. Դաշտային մատյանի վարում:
3. Քիմիական քաղհանի և պայքարի աշխատանքների իրականացում:
4. Պարարտացում:
5. Սորտային քաղհան:
6. Հողերի քիմիական անալիզ:
7. Սերմերի որակը հավաստող փաստաթուղթ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ

Դ. ՍԱՐԳՍՅԱՆ